

## ولازم كلنا نغفر...

ولازم كلنا نغفر... ولازم كلنا نسامح.

لحد إمتي هنأجم... جواد قلبنا الجامح.

كفايه عُدّ ومكابرة...

كفايه نحب ونقاوح.

حقيقي قلوبنا مقهورة...

وأحلامنا غير الصورة..

حاجات جوائنا مكسورة

وكله في دنّيته سارج.

ونكتم بالحشا بوحنا...

خلاص سلمنا لجروحنا....

كثير نضحك علي روحنا..

نقول أصل الزمن جارح.

وغضب عُنّا بنعشق....

وحاجات جوانا بتشقشق...

وسهم الحب لو يرشق...  
ينسينا أسي إمبراح.  
ومين ما عاشها متغرب..؟  
ولا يبيعد ولا يقرب...  
ومن همه فضل يشرب...  
ومن بحر الهوى المالح  
ومهما العشق يدبنا...  
ونبض قلوبنا يفضحنا...  
بتنهيدة نسد الباب..  
وهو بدرينا رامح.  
ولحد إمتي هنخبي...  
ونملي قلوبنا ونعبي...  
ونموت زهرنا الوردي...  
وجوانا الوجد طايح.  
ونستسلم لمصايرنا...

يتوه في الزحمة تفكيرنا...  
وامتى ترضى أقدرانا؟!  
ويجي اليوم و نتصالح؟

